

## عليك صلاة الله و سلامه

عليك صلاة الله و سلامه	شفاعة يا جد الحسنين
ده محملك رجعت أيامه	هنية و اتمليت بو العين
-- كرامة لله يا قاصد مكة	و نيتك بالكعبة تطوف
تبوسلي فيها تراب السكة	أمانة من مؤمن ملهوف
سالت دموعه و طال دعاه	في يوم خشوعه ينول مناه
دي قبلتك يانبي قدامه	عليك صلاة الله و سلامه
-- و إمتي عيني تشوف منظركم	يا مادنيتين فوق الحرمين
و طول مطال الحجاج اتباركم	و شربوا من زمزم بقين
و في المدينة نالوا القبول	بنور نبينا طه الرسول
يا بخت زواره بإكرامه	عليك صلاة الله و سلامه
-- يا ما اسعد اللي بيوقف و يكبر	على منى و عرفات لله
و يحذف الجمرات و يعبر	تايب نصوح متمني هداه
غفر ذنوبه مدى الحياة	و عاش ينوبه سواه بتقاه
بجاه نبي الهدى و مقامه	عليك صلاة الله و سلامه
عليك صلاة الله و سلامه	شفاعة يا جد الحسنين